

普遍智藏般若波羅蜜多心經

疏

摩竭提國三藏沙門 清 重譯

如是我聞一時佛在王舍大城靈鷲山中與大比丘衆滿百千人菩薩摩訶薩七万七千人俱其名目觀世音菩薩文殊師利菩薩弥勒菩薩等以為上首皆得三昧持住不思議解脫

今時觀自在菩薩摩訶薩在彼敷坐於其衆中即從座起詣世尊所面向合掌曲躬恭敬瞻仰尊顏而白佛言世尊我欲於此會中說諸菩薩普遍智藏般若波羅蜜多心唯願世尊聽我所說為諸菩薩宣秘法要今時世尊以妙梵音告觀自在菩薩摩訶薩言善哉善哉具大悲者聽汝所說與諸衆生作大光明於是觀自在菩薩摩訶薩蒙佛聽許佛所護念入於慧光三昧正受入此定已以三昧力行深般若波羅蜜多時照見五蘊自性皆空彼了知五蘊自性皆空從彼三昧安詳而起即告慧命舍利弗言善

男子菩薩有般若波羅蜜多心名普遍智藏汝今諦聽善思念之吾當為汝分別解說作是語已慧命舍利弗白觀自在菩薩摩訶薩言唯大淨者願為說之今正是時於斯告舍利弗諸菩薩摩訶薩應如是學色性是空空性是色色不異空空不異色色即是空空即是色受想行識亦復如是識性是空空性是識識不異空空不異識識即是空空即是識舍利子是諸法空相不生不滅不垢不淨不增不減是故空中無色無受想行識無眼耳鼻舌身意無色聲香味觸法無眼界乃至無意識界無無明亦無無明盡乃至無老死亦無老死盡無苦集滅道無智亦無得以無所得故菩提薩埵依般若波羅蜜多故心無罣礙無罣礙故無有恐怖遠離顛倒夢想究竟涅槃三世諸佛依般若波羅蜜多故得阿耨多羅三藐三菩提故知般若波羅蜜多是大神咒是大明咒是無上咒是無等等咒能除一切苦真實不虛故說般若波羅蜜多咒

普遍智藏般若經

卷一

疏

即說咒曰

揭諦揭諦

波羅揭諦

波羅僧揭諦

菩提薩婆訶

佛說是經已諸比丘及菩薩衆一切世間天人阿脩羅乾闥婆等聞佛所說皆大歡喜信受奉行

普遍智藏般若波羅蜜多心經

丙午歲高麗國大藏都監奉勅雕造

普遍智藏般若經

第三張

密

普遍智藏般若波羅蜜多心經

校勘記

一 底本，麗藏本。

一 二七三頁上一行經名，石作「普遍智藏般若波羅蜜多心經一卷」。卷末經名同。

一 二七三頁上一〇行「面向」，石作「而向」。

一 二七三頁中五行第一一字「告」，

石作「言」。